

اسلام کتب خانہ

مدیری : حلیم ثابت

صافی ۲

۳۰ ربیع الاول ۱۳۴۲
۱۳ شباط ۱۳۴۹

پیل ۱

قرآن کریم

سورۃ جبرائک ترجمہ سی خ . ن

امیر ملک مجالی

اسلام و ترقی اسبق شیخ الاسلام موسی کاظم

کلام

توحید رضاء الدین بن فخر الدین

فقہ

فقہ واجتماعیات کوک آلب

دین ادبیاتی

تورکارده دینی ادبیات کوپرلی زاده فؤاد

تاسیخ

آق شمس الدین بروسلی محمد طاهر

اجتماعیات

اسلام عالئده کوریلین امطاطک سبیری احمد آغایف

مسلمان قادسی

مراجعت ایڈیورم ف . ن

اسلام حواری

بخارا : بخاراده مجدد امامزہ لری — لازان : شہاب الدین مرہانی ایچون —
ارفا : بجرکلی سلطان قادسی — باکو : سلطان باقہ لری

استانبولده مائیلدینی یر : « نورکچ بوردی کنتخاہسی » نسخہ سی * ۱ بارہ در

استانبول — طین مطبعہ سی

بر تالیف دقیق اولوب نسخه لری (استانبول) کتبخانه لرینک بعضارنده وارددر.
 (۲) (حل مشکلات) : اکبر متصوفه دن بعض ذوات عالیه نك غوامض
 تصوفه عائد اولان کلمات و جمل محققانه لرینک حلتی مین عربی العبارة بر اثر
 معتبردر. بعضارینک بواثره (شرح اقوال حاجی بایرام ولی) دیه اسم ویرملری
 نقصانی تبعلن منبعثدر.

(۳) (ماده الحیات) : منتسب بولونداقلری علم طیده کی مجربات متوعه لرندن
 باحث تورکجه بر رساله طیه در.

برده (مقامات اولیا) اسنده بر اثر عارفانه لری اولدینی (شقایق نعمانیه)
 ترجمه سنده محرر ایسه ده بواثر خلقای کرام لرندن اولوب کندیلرندن سوکره.
 سجاده ارشاد لرینه قائم اولان شیخ (جزء بابا) نکدر.

مناقب علیه لرینه دائر یازیلان رسالندن (امیر حسینی) ننگی مطبوع، ایوبی.
 مؤذن (عبدالرزاق) افندینک کی غیر مطبوعدر. مخادیم علیه لرندن (سعدالله)
 (فضل الله) (امرالله) (حمدالله) افندیلر دن اک کوچوکلری اولان (حمدالله)
 افندی عرفان و اشعار یله ادبیات عثمانیه عالمده تیز ایدن ذواتنددر.

خلقای کرام لرینک اک مشهور لری سابق الذکر (جزء بابا) ایله ناظم (کلزان
 معنوی) قیصر یه ده مدفون (ابراهیم تنوری) ایله ناظم (وحدتنامه) (آفیون
 قره حصار) نده مدفون (عبدالرحیم) افندیلر حضراتیدر.

بروسه لی

چنگل کوی

محمد طاهر

اجتماعیات

اسلام عالمده کوریلن انحطاطک سبیلری

— ۱ —

عالم اسلامه عمومی بر نظر عطف ایددیکی زمان انسان کندیسی غایت
 غریب و بلکه ده امثالی هیچ بر یرده هیچ بر زمان کورونم مین بر لوحه قارشینده

بولیور . کره ارضك مختلف جهت‌ننده ساكن مختلف قیاه‌لره ، عرق‌لره منسوب . مختلف لسانلر قونوشان و مختلف تأثیرات آلتده بولنان یوزلرجه میلیون اهالی عین مرض اجتماعی به معروضدر ! بولنه بر لوحه‌نی بشریتك هیچ بر دیگر قسمی ارانه اتمیور : مثلا خرسیتیانلق عالمده مترقی و متدنی جهت‌لر وارددر . کذابت پرستك عالمده : انکلهزه ایله حبشستانك آراسنده کی فرق ژاپونیا ایله تیت‌لیر آراسندهده موجوددر . حالبوکه عالم اسلامك هر هانکی بر قسمنه باقیلیرسه - همان عین حال کوریلور . بو حاک مذکور عالمك وحدت معنویه‌سنه یگی بر دلیل تشکیل ابتدکی کبی بتون عالم اسلامك عین مهم واسالی عامللرک تحت تأثیرنده بولندیغنی ده اثبات ایله یوز . موقعی ، جنسی ، عرقی ، لسانی و حیاتی فرق‌لره رغماً عین مرض اجتماعی به توتولمش اولانلرک عین مشترک تأثیرات آلتده قالدیغنی کوستریبور .

فی الحقیقه دین اسلام انسانك یالکیز روحی و اخلاقی جهت‌لرینه تماس اتمیور . برده آنک مادی و حیاتی جهت‌لرینی تنظیم ایدیور . اسلامیت قواعد اخلاقیه و اعتقاداتدن باشقه برده احکامی ، شریعتی محتویدر . احکام و شریعتك اساسانی بتون عالم اسلام ایچون عینی اولدیغنی ایچون طبیعی و بدیهی درکه بونلرک ترتیب و تنظیم ایتمش اولدقلری تشکیلات اجتماعیه ، صور حیاتیه هر برده همان عینی در . ایته بونک ایچوندرکه اسباب انحطاط و تدنی ده بتون کره ارضده موجود اولان مختلف اقوام اسلامیه آراسنده عینی در . اصل انحطاط و تدنی به معروض قالدان اسلامیتك وضع ایتمش اولدیغنی اساساندر ، قواعددر . بونلر تزلزله معروض قالدقدن سوکره بدیهی درکه اوزرلرنده تأس ایتمش اولان بتون بنالر ، تشکیلات دم متزلزل اولاجقلردی !

عجبا اساساتك انحطاطنه سبب نه اولمشدر ؟ بو سؤواله بعض فرنگ علماسی و آنلری تقلید ایدنلر جواب اوله رقی دیورنلرکه ذاتاً مذکور اساسات ترقی و تعالی ایله غیر قابل تالیف در . مدنیتك ظهوری ایله شو اساساتك متزلزل اوله لری و بنشاء علیه آنلر اوزرلرنده تأس ایتمش اولان بنالرک ییقله لری مقدردی ! بز بوکا جواباً اساسات اسلامیه نی تحلیلدن صرف نظر یالکیز تاریخی استمهاده

ایده جگزه خریستانلغک ظهور و غلبه سی بالعکس مدنیتک یکی دن ظهور و طلوع ایله مه نه سبب اولدی ! بو حقیقت تاریخیه بی بوکون کیسه انکار ایله من . بیزانس و رومانک غالب خریستانلق عالمی طرفدن دورلو دورلو اشکنجه لره معروض قالان ازیاب علوم و فنون و صنایع یالکز شامده و بغدادده بنی امیه و بنی عباسیه حضورنده ملجاء و مأوا بولدی لر . ارسطو و پلاتونک ناملری بیله غربده تلغین ایدیلیرکن مسلمانلر بیوک بر حرمتله شو استادلرک آثارینی ترجمه و مطالعه ایدیلور دیلر . خریستانلق تعقیباته قارشى علوم و فنونک صوک ملجائی بولنان اسکندریه بو تعقیباته دایانه میهرق ایچنده ساکن یهودی ، بت پرست علما ، حکما و ادبائی طیشاری چیقارمه یه مجبور قالدی . آواره سر قالمش اولان شوفلاکت زده لر خلفای اسلامیه حضورنده و اسلاملر آراسنده مشفق و تشویقکار بر مهماننوازاق بولدی لر . بو سایه ده درکه اسلامیتک برکتی ایله اسکی مدنیتک اتقاضی محافظه ایدلمش اولدی و بالآخره مسلمانلر طرفدن بر قات دهها تردید و اعتلا ایشدیر یاهرک ابن رشدلر واسطه سی ایله غربه نقل ایدلدی .

بناء علیه اسلامیت طرفدن وضع ایدلمش اولان اساساتک ذاتاً مدنیتیه غیر قابل تالیف اولدیغی ادعا ایتک واهی و غیر قابل اثبات بر اسنادده بولنمقدن باشقه شی دکلمدی . فکر مزه کوره انحطاط و تدنیتک باشقه سیلری واردر .

شمدی خاطر مده دکل ، هانکی بر محرر ، شو مسئله بی تدقیق ایدرکن دیمشدرکه : « عالم اسلامک انحطاط و تدنیتی اوج صنف اهالینک یوزندن کلمشدر . علما ، امراء ، ازیاب قلم اء ، بو فکر ، بزجه او قدر دوغرو درکه آنی تصدیق ایتمه مک قابل دکلمدر .

هر بر محیط و ملت یالکز باشلرنده بولنان رهبر صنفلرک همت و غیرتی ایله ییشار ، ترقی و تعالی ایدر . وضع ایدلمش اولان اساساتک انکشاف و تدنی سنی ، رواج و تعالی سنی یالکز بونلر تأمین ایلر لر . مذکور صنفلر اوزر لرینه طبیعتاً تمیل ایدلمش اولان شو وظیفه لرینی بحق ایضا ایتدیکجه منسوب بولوندقلری محیطده بولندده ترقی و تعالی ایلر . عکس حالده کندیلری ایله برابر بتون محیطده و محیطک احتوا ایتدیکی بتون اساسانده تدنی و انحطاطه طوغرو بورور . تاریخ اسلامیت

بایدان شو و خصوصاً اثبات ایدیور. عالم اسلامك باشنده مادی و معنوی رهبرك
 وظيفه سنی ایفا ایدن دائماً اوج صنف بولتمشدر. بونلر علمادن، امرادن وارباب
 قلمدن عبارتدرلر. دور سعادتدن تا بی عباسیارك تدنی لرینه قدر شو اوج صنف
 اهالی بی دائماً چالیشر کوریورز. حیاتك ارانه ایتمش اولدیغی شئوناندن هیچ
 بریسی بونلرک نظر اعتنا، دقت و مطالعه سندن قاچامیور. امرآ تدویر امورده
 عظیم بر اقتدار و لیاقت ابراز ایتدیگری و اسلامیت طرفندن وضع ایدلمش اولان
 اساساندن ممکن مرتبه اوزاقلاشمدیگری کی علمآ وارباب قلمده علوم و فنونده، مسائل
 اخلاقیه و اجتماعیه عاندهر نوع شیلری تدقیق، مطالعه، محاکمه و مناقشه ایدیور.
 دیلر. عظیم بر فعالیت، مادی و معنوی، اداری، علمی، فنی بر فعالیت کندیسی
 هر آن کورتریوردی. ایسته بوسایهده اسلامیت طرفندن وضع ایدلمش اولان
 اساسات هر کون انکشاف بولیوردی، توسع ایدیوردی. حیاتك وزمانك
 ضوعوردیغی، ارانه ایتدیگی یکی جلوه لر، یکی شئونات هانده اساسات دائرهنه
 آتیوردی. هر کون هر آن اساساتك حدودی تتبع، محاکمه، تدقیق سایه سنده
 توسع ایدرک حیاتی احتوا ایدیوردی. خلاصه حیات وزمان کندی سیلابی
 ایله، کندی مهاجماتی ایله بوساساتی بوظامیوردی. آنلری محدود برداره ایچنه
 صوقارق انجماده سوق ایتدیره میوردی! ایسته بوسایهده درکه علم حقوق،
 علوم طبیعی، ریاضیه، اخلاقیات آز بر زمان ایچنده مسلمانلر آراسنده صوک
 درجه ترقی بولدی. بونلر اوزمانلر اساسات اسلامیه به هیچ بر مخالفت و یا
 مابنت ابراز ایتدیوردیلر. بالعکس علمای اسلامیه کندیگری بیله شو علوم
 و فنونك کشفیاتندن استفاده ایدرک اساسات اسلامیه نك انکشافه، توسعه
 و تعالیسنه خدمت ایدیوردیلر.

فقط مع التأسف صوکرالری بر زمان کلپورکه صنوف ثلاثه کندی وظيفه لرینی
 اونوتیورلر، اسکی فعالیتدن آرتق اثر قالمیور. مقام خلافت اساسات اسلامیه نك
 تماماً خلافت اوله رقی، استبداد منعی کنیلیور. مصالح عامه بی اساسات
 اسلامیه به توفیقاً دکل کینی بر صورتده اداره یه باشلا یورلر. بوکا قارشی علمآ
 وارباب قلم سس چیتارامیور، اعتراض ایتدیور. و حتی سکوتله بیله اکتفا

ایمپورنر . استبداد و اصول کیف مایشایی او قشایورلر . حتی علمادن بعضی سی
اساسات اسلامیه تماماً مخالف اولارق بونک شرعاً بویله اولسی ایجاب
ایتدیکنی اثباته قالشورلر . ارباب قلم ایسه مستبدلر ، ظالملر حقدن قصیده لر ،
مدیحہلر انشاد ایدیورلر . کیت کیده بو حال تقرر ایدیور ، حاکم اولیور .
مقام خلافت آرتق اسکی ماهیتی غایب ایدرک کیفی و استبدادی بر شکل
آلدیغدن اساسات اسلامیه ایله ، حقایق شرعیته تک انکشافی ایله اشتغالی
کندی متفعلترینه مضر عد ایدیورلر . علما بوکاده قاتلاشیور . بوکاده تحمل
ایدیور ، آرتق اساساتله دکل بوکره تفرعاتله جزئیاتله اشتغالی دها موافق
بونیور . کیت کیده شو تفرعات ، شو جزئیات اساساتله غالب کلیور ، آنلری
اونوتدریور ، یعنی تعیر آخرله بر طور غولتق ، بر دور انجماد وارد اولیور .
بو میاندہ ارباب قلمک یا پمشر اولدیغی شیلر ، اخلاقیاتله قارشى ارتکاب ایتش
اولدیغی خبائت - غیر قابل عفودر . مستبدلری ظالملری او قشامقله قالمیهرق -
اخلاقیاتله عظیم ضربہلر ایندیردیلر . آرتق بوندن سوکره بونلرک یازیلرندہ لب
لعل ، چشم سیاه ، زلف پریشان ، و شراب خوشکواردن باشقه برشی آرامه ییگز!

احمد آغايف

یتمدی

اسلام قانونی

مراجعت ایدیورم

ارککلر منک کندی کیدیشلرینه بیله هنوز منطقی بر جریان ویرہ مدکلرینی
کور دیکدن برده قادیت-لرکده ایسه قاریشه رق اورتالغی بوسبوتون تشویش
ایتمہلری لازم کلدیکته قاعتم یوق دکلدر . مع مافیہ بزده بو وطنک اوز اولادی ،
بومملکت منسوبیتک اوز آنالری اولدیغمزدن بزده کندی دودلریمزی
سویله مکلگمزه هیچ بر مانع اولماسه کرک ..

وقیاه عصر سعادتده سوکیلی پیغمبر اقدمن حضرت نثری ، ارککلره منتظماً
وعظ ونصیحت ایدیورلردی . ارککلر پیغمبر علیه السلامک وعظ ونصیحتلرندن